



SARAJEVO Nakon kriminalističke obrade u **SIPA-i** i Sudu BiH

Zoran Mamić ostaje na slobodi

Neće mu biti određen pritvor, ali su mu uzeti dokumenti te mu je zabranjen izlazak iz BiH, rekao Raić • U Hrvatskoj pravomoćno osuđen na četiri godine i osam mjeseci zatvora

Nakon kriminalističke obrade u prostorijama **Državne agencije za istrage i zaštitu (SIPA)** te održanog ročišta u Sudu BiH, bivši trener zagrebačkog Dinama Zoran Mamić je slobodan čovjek.

Oduzeti dokumenti

U Sud BiH stigao je s advokatima Zdravkom Raićem i Davorom Martinićem, a nakon saslušanja Mamić je pušten na slobodu te su mu određene mjere zabrane napuštanja BiH.

Podsjećamo, **SIPA** je u ranim jutarnjim satima u Međugorju privela Zorana Mamića, nakon čega je doveden u prostorije te državne agencije u Istočnom Sarajevu.

Ipak, kako je rekao ad-



Zoran Mamić: Nema namjeru ići iz BiH

Zdravko Mamić: Dobit ćemo i ovu utakmicu

Dok je Zoran Mamić bio u Sudu BiH, njegov brat Zdravko bio je u jednom restoranu u blizini ove institucije. Kako nam je rekao, čeka da brat završi što mora te da se zajedno vrate kući u Međugorje.

- Sva ova situacija je potpuno očekivana, Hrvatska je putem tjeralice zatražila izručenje Zorana. Mi smo već tražili da

se čitav proces odvija u BiH i očekujemo da će do toga doći. I Zoran i ja, kao državljani BiH, izjasnili smo se gdje želimo. Čekamo da se sve ovo završi i da Hrvatska ustupi predmet - kazao je Zdravko Mamić.

Dodaje da su i Zoran i on sportisti i da su navikli igrati utakmice i po blatu, kiši i zimi.

- Navikli smo i gubiti i pobjeđivati. Ne mogu reći

da je situacija zgodna za pjesmu, ali kada ste me vidjeli, čuli ste da pjevam. Tako je kako je, a očekujemo da ćemo i ovu utakmicu dobiti - rekao je Mamić za "Avaz".



Mamić: Očekivana situacija

vokat Rajić, na ročištu se raspravljalo o međunarodnoj potjernici Hrvatske za Zoranom Mamićem i odlučivalo se o zahtjevu ove države da mu bude određen privremeni pritvor.

- Sud BiH je donio rješenje da se ne udovoljava zahtjevu Hrvatske, to jeste da Mamiću neće određiti pritvor, ali su mu uzeti dokumenti te mu je zabranjen izlazak iz BiH. On nema nekretnine u trećim zemljama i nema namjeru napuštanje BiH - kazao je Raić.



Raić: Neće biti izručen

Pravomoćno osuđen

Sud BiH nije raspravljao o mogućem Mamićevom izručenju s obzirom na činjenicu da Hrvatska za to još nije uputila službeni zahtjev. Sve potrebne dokumente o prebivalištu i državljanstvu već su dostavili Interpolu, Sudu BiH i drugim institucijama, s ciljem dokazivanja činjenice da je bh. državljanin.

- Nema namjeru nigdje ići - dodao je Rajić.

Zoran Mamić je u Hrvatskoj pravomoćno osuđen na četiri godine i osam mjeseci zatvora zbog izvlačenja novca iz Dinama. **A. ČENGIĆ - M. AŠČIĆ**